

太炎文錄續編卷七目

章氏叢書三編

卷之上

摩訶軍箴

民國五更贊

成章學校贊

朱曼君先生像贊

羅母白太夫人贊

祭孫公文

孫仲閔誄

李母關太夫人誄

卷之下

自定民國五年出都以後所作詩三十八首

十七年以後所作詩十六首

錫麟學校贊

南通費君贊

馬通伯先生像贊

祭黎公文

項松茂誄

太炎文錄續編卷七上

章氏叢書三編

摩訶車箴

穆穆乘輿。五路有制。黃屋雖崇。厥心猶厲。彼摩訶何。青蓋赤伐。小人所乘。君子之器。上慢下暴。陵轢無藝。兼國與鈞。而竊載以逝。盜思奪之。兩寇交弊。走馬司冀。敢告在勢。

民國五更贊

香山先覺。激揚民主。狎交宗帥。不更戎旅。私智自矜。賴茲匡輔。迫竄良將。夷其肢股。屢跌復振。達天之祐。孫文

項城梟鵠。剽胡由蘖。良金善賈。銳師棋列。亢龍之進。淫名是揭。網漏坤維。位替身蹶。敗不出奔。于今猶傑。袁世凱

黃陂長者。愛國若性。承彼樂推。徂以求定。人皆貪邪。我獨廉正。不援朋黨。臆言兼聽。仁而不武。陵夷爲病。黎元洪

善化溫溫。纘被軍人。奮迹南夷。乘旄漢津。略不致遠。進先羣倫。義不務高。退全其身。人薨已枯。遭時之屯。黃興

邵陽險健。觀時進止。事上能順。總師有紀。詰朝虎變。日雪國恥。莫府上陵。息肩海涘。謫哉二桃。而傾三士。

蔡鐸

錫麟學校贊

不有先導。誰啓大邦。烈烈徐公。智勇寡雙。一震之威。計在畫江。赤心雖剖。虜志亦降。千秋警祀。懸名旗旌。

成章學校贊

中原向明。海隅未曉。陶公孟晉。與徐分道。誠動賓萌。義夫雲擾。殺身之由。志大地小。薰蕕判矣。終爲國寶。

南通費君贊

民國元年十月十七日。南通費鑑清卒。君以厚德聞鄉里。時爲之傳狀銘誄者已數人。十六年十二月。其長子師洪移寫諸家銘狀以告于余。而請爲誄。余觀君之素行。誠有足以激墮俗者。且雅聞師洪賢。不可以辭。雖然。曩事既久。誄之非時也。于是爲之贊曰。

夏后之胤。費衰杞繒。枝葉扶疎。宰是海陵。世載良奧。耆如雲蒸。積厚流廣。子孫繩繩。繫君齊慧。幼通羣籍。孺慕之性。逮長不易。牽車致粟。筭以千石。深藏若虛。操券無責。長德在躬。惠及

疎遜。直歲之康。野無積聚。人皆操奇。君獨廉取。寬其費貸。平其斗斛。陰作發歛。以振貧窶。豈曰水涸。魚沫相啣。一廛之潤。擬于京庾。遺人廢職。輿梁不修。君實度功。屬于橫流。長菱塞石。員方相投。迺就大桁。以更方舟。連輶斯兌。牛後不繇。履道坦若。速於置郵。孝弟力田。孔德之盛。令聞如君。而不從政。我思古人。窮達皆定。華冠履屨。仲憲非病。中紺表素。衛賜非佞。豐約雖異。咸謝秩命。高之乘韋。出則存鄭。蠡之千金。處則卻聘。詎伸雖異。各遂其性。唯君優游。秉德則勁。秕糠軒冕。遠茲泥濘。謂之素封。庶方先正。日居月諸。鑽燧婁遷。自君之終。一十五年。鄉井載德。人無間言。巫陽下招。胥蟹在天。我聆清風。中心愀焉。中薦悲誦。以吟九原。康惠之號。千秋罔騫。

朱曼君先生像贊

海陵之彥。唯君闊步。訓辭深厚。翰音飛翥。以彼良材。屈身戎路。簪筆樂浪。治書文苑。嘉之解嘲。宏之作賦。才固絕人。扈亦難度。君歿韓亡。金遼多故。今遂耗矣。君離其汙。馬通伯先生像贊

文章之寄。是唯擬陽。公殿其行。聖澤斬矣。新學披昌。公能憲章。括囊六藝。大典洋洋。三經作網。我瞻法象。既溫以方。沒齒不忘。

羅母白太夫人贊

夫人零陵白氏。適同縣羅君。少實饒顙。孀守女誠。來嬪事姑。畜順無忤。侍疾奉湯。便蕃牀蓐。仁孝之稱。內外靡間。羅君既歿。與兄公分宅。子女四人。貧食牛菽。索綯分棗。所其無逸。督教所生。譽譽有屬。既而子霖等各以戎事貨殖成名。豐蓄代處。視如儻來。浣衣敝裘。不愆其素。蓋藏有餘。即以周乏。可謂示民不佻。慎始敬終者矣。年六十四卒于內寢。贊曰。

九疑之岡。實奉湘君。懸流橫被。遺澤未涇。淵哉羅母。淑慎其身。上順尊章。俯敕後昆。窮達任運。何德之純。嬪處信美。不化商均。烏工雖智。不感頑囂。鼓瑟之樂。不利耕耘。孰若此母。始卒盡倫。孝慈備矣。如玉斯溫。大夏非侈。茅茨非貧。德廣所及。施於江濱。

祭孫公文

年月日。餘杭章某謹以清酌庶羞致祭於故臨時大總統孫公之靈。嗚呼哀哉。汪是大國。古之丹楊。始兆漢季。鑿剔莫當。劉石干紀。登琅邪王。姚姒正朔。湊茲南方。濠州僉起。北賓大羊。乃植大都。阡陌有章。蠢爾胡清。軼我神疆。繼明兩作。公振其綱。惟公降生。挺於嶺外。少則屈奇。辯口能說。擾役俠士。在海之瀕。西厲大秦。脫彼羈馭。惠陽授兵。舉其白旄。卻入東嶠。驕名始大。總翕羣材。不棄葱蘢。夏聲昭播。莫我敢爭。十有七年。女眞以喙。有衆後后。宅此江介。初

制共和。立政良難。五權之憲。鬱蒸未頒。敝屣南位。以讓北藩。北藩伊何。虜之餘孽。雖悔輕授。盟不可寒。純鉤倒柄。裂我屏翰。龍蟄海隅。驚氣不奮。僭帝始僞。又滋狼獾。再建番禺。西南結盤。齊州天度。愁屏于蠻。公之天性。仇直自聖。受諫則難。而惡方命。有勇如螭。以鼓羣勁。揮斥幣餘。視重若輕。屢趾復完。亦不凝定。粵府再跽。未匡其政。鉅會北平。以身入罪。肝鬲離矣。天祿爲罄。烏呼哀哉。繫昔明祖。始登雞鳴。乃體沛公。薦號伯兄。明祖入雞鳴山歷代帝王列傳與酒助之惟公建國。繼步皇明。大饗寢宮。珍告武成。公正位南都請主退位急難在原。千年同情。遺言首邱。洪武之京。惟其得一。故爲天下貞。烏呼哀哉。天生我公。爲世鈴鐸。調樂專壹。吐辭爲燧。百夫雷同。臚句傳諸。余豈異郵。好是謬謬。蘭之同臭。石之攻厝。如何南樞。委命窮朔。沮公北盟。終亦不獲。陽冰稷雪。公之往託。楊柳方蕙。公之殂落。剗腸止腐。寧戰敗而臙。夜光爲棺。寧暴尸于郭。欲招其魂。天地寥廓。弔以生芻。忠信猶薄。厥公之功。庶其合莫。烏呼哀哉。尙饗。

祭黎公文

中華民國十七年六月日。謹以清酌庶羞致祭於大總統黎公之靈。烏呼哀哉。天建真人。固無常姓。承彼樂推。徂以求定。興自一旅。若有符命。苟非羣策。疇與爲倖。中遭陽九。羽鬲鏃傷。

江漢之美。去之堂堂。再仆再起。威積不揚。如艸斯菸。擊於嚴霜。公之大節。羣里之後。衆枉害直。係命虎口。武義疏爵。金印如斗。正色巖然。舍生何有。伊古人傑。應變爲巨。如公貞恆。何行之蹶。羊羹不斟。敝袴不予。旅之焚巢。誰固吾圉。宸極既遷。國本亦替。五色之徵。弁髦是敝。遠東觥觥。匡此神器。誰能死綬。公獨高厲。烏呼哀哉。滅頂之凶。蔽于撓棟。竊鉤負乘。絜報相闕。彼素王何。棄如撥蓬。曾是贅游。相引爲重。烏呼哀哉。公始蒙難。洪憲椽之。滇府杖順。足相扶持。後雖再圯。玉步未改。誰殄民國。問之南海。烏呼哀哉。創業三人。鼎足而守。彼皆畔換。公獨不負。杵臼干駟。伯夷采薇。董史有作。榮名誰歸。烏呼哀哉。尙鑒。

孫仲閔誄

余始因宋恕平子識仲閔。平子者。仲閔姊壻。素負才。牢落不耦。而仲閔承其先人侍郎公學。搏心經制。有用世之略。初以通家謁直隸總督李鴻章。嘗教習北洋水師學堂。提調軍械局。以知縣用。歸主瑞安縣中學堂。及武昌兵起。浙江應之。奉檄署瑞安縣事。民國初。入京師。供職鹽務署。余時以東三省籌邊使解官被禁。仲閔顧時時來。談經引篆。意氣清發。自忘在軼絆中也。如是數歲。黃陂黎公繼大總統任。黎公故習業水師。念仲閔有師道。特徵充府顧問。兼國務院顧問國史館纂修。地雖清峻。然未嘗一日得與政事。後十年而歸。以鬻書終其身。

至民國二十三年而歿。以仲閻學行之劬。得其時。雖至卿貳不爲泰。逢遭衰亂。抱利器無所施。蓋與平子際遇無大異。顧平子天性屈奇。既失意。往往佗僚不平。或時爲玩世狀。而仲閻守其鄉先生葉正則之術。與物端和。動必由禮。乃亦奇觚於世如此。其作篆根柢深固。從心變化。視世所傳常熟楊氏安吉吳氏書。雅鄭相絕。不可爲量。然名亦不出浙東。以是知世之識真者寡。亦不遇治世使然耶。余與仲閻別十餘歲。各嶄然近七十矣。常冀其來化我。而仲閻竟歿。自是以往。吾道益孤矣。誄曰。

彼隨珠兮不琢。彼箇桂兮不可植於町疃。嗟夫子之經奇兮。絜漢宋而同貫。寧懷寶以迷國兮。固遭時之汙染。鳴鶴之在陰兮。自前哲而故然。操一技以華國兮。世猶狎以爲近玩。塊抱蜀而下世兮。曾未申其羽翰。吾悲夫宋子之徇齊兮。撰短衣以蔽骭。子吾繫此匏瓜兮。亦擲落而無畔。與夫子而參會兮。終不登於高岸。諒長夜之未暘兮。誠委命其何怨。

項松茂誄

故人項松茂以文士託於賈。依遠西法製藥。人甚便之。家既給足。遇事振貸無所吝。性好書畫。得明嘉興項氏遺物尤多。民國二十年冬。倭寇關東。侵尋及上海。即陰部勒義勇軍爲之備。爲敵刺得。略其肆中十一人去。松茂奮自求之。再入敵斥候中。卒爲所掩。厲聲罵賊。被殺。

時二十一年一月三十一日也。事祕。家人不審知。久之。同繫者出。始得實狀。子隆勳等以二十三年三月發喪。且出松茂存時手書。稱臨大節則達生委命。嗚呼。其所蓄者深矣。余素與松茂交。亦未知其弘毅如此也。乃爲之誄曰。

君之寶藥。上希韓康。厥志超奇。士也非商。名筆千金。盈於篋藏。富而能施。雖滿不斲。懷彼東鯉。軼我樊牆。發憤厲士。陰爲橐囊。賊譟宵掠。部曲礪傷。兩入虎口。以救失亡。天乎不淑。磨此巨創。臨難抗辭。厥聲琅琅。乳雞搏狸。怒駒踴狼。決計長瞑。何德之剛。乃歲初蟄。與君同觴。會未三旬。幽明異行。發君遺墨。持論激揚。溝壑之念。志士不忘。豈曰橫天。允蹈大方。爲義捨生。是爲國殤。

李母闕太夫人誄

膺衝李根源。嘗以軍事參西南軍政府。軍政府敗。根源獨不撓。後遷農商總長。爲大總統黎公所倚。黎公敗。根源從亡。至天津。南氏上海。期倡大順。卒不得。炳麟多其義。而與爲昆弟交。登堂拜母焉。時闕太夫人已老。根源以世亂不求仕。築室吳葑門下。盡色養之道。太夫人性儉素。未嘗御文綺。對人誠款。子雖貴。督教之猶嚴。民國十五年冬。根源自吳來。道太夫人患瘰癧狀。瘰癧者。詩所謂鼠憂以瘁者也。少壯愁思。病肺多有之。至老得是者。不數見。且以根

源事親有道。閨門熙熙。又辟場圃。樹卉木。以適游觀。顧何以得是。十六年春。訃書至。會兵禍
拏結。咫尺不得通音問。其冬。根源始以曲靖孫光庭所作碑銘來。乃知太夫人所以得是者。
非勤其身。蓋爲天下憂也。烏呼。斯可以厲俗已。乃爲誄曰。

坤維之野。棲媼神兮。少實繁穠。善自珍兮。嚴事威姑。宜家入兮。制榦僮御。秩無文兮。譽譽教
子。惠以闡兮。子也元宗。蔚成勳兮。處茲光寵。晏如貧兮。褒衣大綈。謝葩紛兮。省稼自怡。具區
之濱兮。烏呼不辰。區宇裂兮。龜言朋輿。無繩臬兮。民如野鹿。公相竊兮。奇服不衷。逮璧璽兮。
朝野爲市。大賂詠兮。倒戈之聲。師數奪兮。適延房俗。起駱越兮。覃及四方。爲臬桀兮。朝而榮
華。其夕竭兮。綱紀蕩蕩。四維絕兮。哀彼憚人。汽小歎兮。烏呼昊天。茲不聰兮。不自先後。丁我
躬兮。匪緯是恤。憂國之形兮。獨寐懷歎。摧膺匈兮。寧去濁世。期長終兮。臚臚吳原。高墳穹兮。
揚靈昆侖。神罔恫兮。

太炎文錄續編卷七下

章氏叢書三編

手寫民國五年出都以後所作詩三十八首

自嶺海南行抵閩婆今閩

五年

昔有中貴鄭三寶。手持玉節征南冥。餘皇西邁過身毒。頸系名王還漢廷。宮嬙下嫁號翁主。蠻中如望天孫星。代身金人始獻質。王會大開炎海清。餘威至今震島嶼。閩婆祠廟揚精靈。明清代謝旦復旦。日月光華今暗吁。真頭弁服紛入市。大號俄然未渙汗。上兵豈必矜伐謀。信行蠻貉真多算。君不見戚陽失鹿方五年。尉佗屈強猶爭先。箕踞椎髻延漢使。自問孰與皇帝賢。璽書一日布德意。桂蠹跪陳前殿前。

黑龍潭 以下六年

昔踐松花岸。今臨黑水祠。窮荒行欲匝。垂老策無奇。載重看黃馬。璽南皆以馬任重供廚致白熊。五

華山下宿。扶杖轉支離。

自畢節赴巴留別唐元帥

曠代論滇土。吾思楊一清。中垣消薄餽。東勝託干城。形勢稍殊昔。安危亦異情。願君恢霸略。

不必諱從橫。

兵氣連吳會。偏安問漢圖。江源初發迹。夏渚昔論都。直北餘逋寇。當關豈一夫。許將籌箸事。

還報赤松無。

巴歛

以下七年

金鼓且勿喧。聽我歌巴歛。人皇既荒昧。方志傳魚鳧。自從嬴秦來。梁離綵同區。天險固可恃。乘亂資臬渠。公孫早躍馬。章武從後驅。狂狡逮諸李。王孟相乘除。明夏猶小墜。張公蕩無餘。七豪彼何人。及爾無蔑孥。劍碧胡口地斗絕。瞿唐鐵不逾。胡爲行絕迹。鬱然構皇居。哀哉江沱上。百縣鮮完郛。守險一失道。良士皆成俘。族望無宋明。轉徙僵路衢。同室勿相鬥。相鬥利豺獮。

辰州

天道有夷險。神仙非久長。秦皇與避世。陵谷兩茫茫。辰州即漢武陵所置桃源縣在熏穴兵

符峻。與俱相攻。黃者。遂入山。峰。敵以。照。然。火。驚。之。無不死者。謂之。燕洞。官軍攻。擊。亦。用。此。探丸盜迹狂。中流值漁父。相對涕沾裳。

桃源歎

去辰州作

五谿天下險。叢桃何便娟。欣然裹糧至。所求喬與佗。涉水患溫磧。登陸迷畦阡。役夫殊健飯。

三升猶枵然。解腰到吏舍。諸儻方闐闐。長官日卷臥。黃金勒膺前。昨者起軍府。罷瘴不盈千。清浪房已逼。山寇復採掘。流黃一煎餌。汎灌沖黃天。羣仙獲兵解。蟬蛻隨飛煙。桃根斫斧盡。桃葉從風遷。已矣下瀨去。清沉莽無邊。

長沙何氏園

以下九年

君是雲中人。主人也。南人也。來卜雲麓舍。草樹蔽埃壙。觴薌永晨夜。未見雲中人。棋聲落巖榭。

岳麓

明發度湘水。相牽登絕巘。出郭無半驛。隨磴近千轉。纍纍冢相似。冥冥露猶泣。隔峰聞雞鳴。開徑杜鹿曠。秋風日夕來。草靜沙亦淺。成功古不易。告歸今始免。笑彼上蔡豪。父子哭黃犬。

食瓜

以下十年

膏火長爲患。呼僮且買瓜。不辭停濁酒。正爾醉流霞。卻熱頻添淩。承塵爲籠紗。青門戰方劇。莫問故侯家。

之欲灌園去。於陵已陸沉。海隅沙正白。塞上氣猶陰。大實能寒膽。明燈不繫心。休將天子樹。還以挽兼金。

中易白沙

坤

新會有大士。卜居近白沙。冥心契玄牝。志欲陵雲霞。樊籬在名節。吐辭無奇邪。茗茗四百載。名字何相若。探古詆黃農。視世如浮苴。南轅北有轡。瞰此苦與荼。聞子稅駟越。江門行無遮。蕩蕩跡弛材。齒頰流芬葩。錢刀斂衽拜。組纓諱阿耶。蘭菊豈同御。歲晏誰爲華。何不登陽春。繼續而藏諸。賓名未既實。令人長咨嗟。

大學

北風吹空沙礫起。勞農笳笛聞邊裏。學童騰蹕如飛狼。虎皮先生寒作羊。嘶聲傳語且歸沐。燕趙佳人美如玉。成均六代音已衰。伶簫倡舞亦可爲。詩中曹劉真老兵。新朝鼓吹宜龍鳴。冒頓英靈頭曼朽。物寄瓶中更何有。竭來舉簾稱攘姦。須臾徙邏城關開。慶卿圖窮終見匕。致爲錐刀爭一死。焚書坑儒信有人。未必陳吳爲報秦。

九日

國亂竟無象。天高空我知。出門時傍菊。中酒復盈卮。談笑隨年劣。清狂入道遲。危樓亦乘興。優乏九能辭。

防癘

以下十二年

高柳日光赤。幾塵亂度牆。衛生無橘井。隱背倚藜牀。甕上若新黍。階前攄醉葉。何當赴龍窟。

一寫百金方。

少壯日已去。員輿存舊人。暴書常苦熱。裹藥暫宜春。湯煖浮筒桂。盆堅擣細辛。頽齡如可度。焉用坐庚申。

思岳陽

大江至荆楚。天險爲之開。昔過新牆驛。遙憐宗袞才。

家舉李伯佐何中湘守岳陽萬山

如馬度。獨成有龍回。湖外今無事。飛雲自去來。

得友人所贈三體石經

以下十二年

正始傳經石。人間久不覯。洛符無故發。孔筆到今垂。八體追秦刻。千金睨華碑。中原文武盡。麟出竟何爲。

歸杭州

故園時一至。妻子又攜將。爲有西山爽。而宜首夏涼。明湖澹雲月。垓郭下牛羊。旦晚胡笳動。尊羹不易嘗。

聞旭初監屠宰稅

爾昔作郎吏。清譽頗絕俗。失意黃綬中。監門無乃穀。侍史列卿相。高材滯輿僕。不見里社下。

陳平美冠玉。

晉以下十三年

當塗既訖錄。要髯騰在天。威德震殊俗。武庫藏戈鋌。野無犬吠驚。穀升直三錢。如何夕陽亭。荀賈來相煎。今年降歸命。去年任劉淵。此坐足可惜。寧知天道然。

金磨龍歌

陳子^{樹藩}贈我銅繆龍。塗以黃金中函空。乘輿馬耳厥號磨。三十六兩今衡重。長安高原拈地得。法物墮在蠶塵中。鏤鱗文鏤雖闊大。紫磨鮮明千載同。太常若猶辨輿服。私家豈得儲箱籠。王制埽滌堂陛盡。匹夫懷璧情無忭。周漢宰樹已半伐。守護壤地宜施功。自從四海起馳道。白骨棄遺如委蓬。桐人寓馬隨地見。落客時買雙藥鐘。南山錮榔固癡絕。長夜猶顧恬安終。老余玩物亦悲古。忍令發丘長自雄。

展亡友鄒蔚丹墓因與印泉議治墓道

以下十四年

窮兵向一紀。跋行常偪仄。故鬼今如何。骨肉求未得。昨歲逢老圃。委曲示行色。導我錢漕廟。爲我指勝防。荒丘一畝餘。灌莽梗衣械。哀慟陳酒黍。寒泉儻可食。遠念黃花岡。賢愚共一域。茲塋雖蕞爾。吾累猶挺特。生死閱兩代。宿草無消息。招魂空遐求。一顧殊在側。努力召巧匠。

爲子樹石刻。石刻豈足報。零涕霑茵軾。

長沙謁賈太傅祠

高鳳縹緲遺清影。公去何之石牀冷。傳石牀太未央宣室長寂寥。千家尙飲先生井。

聞廣東毀文廟以下十五年

萬物本芻狗。天地非不仁。君看九流起。燔書資狂秦。狂秦尙持法。清談能食人。校官久失度。俳言來丁寧。魯叟靈已邈。何必歆明禋。

觀鄭觀文作樂

鄭生儒者能清謳。樂絲古今姚且幽。曾奏滌埽風雨曲。鄭自擔夫在道皆回頭。金陵莫府素好事。招我觀樂升南樓。鈞天雲門雜衆技。編簫長笛和箏篴。鳴琴竊竊駐鸞鶴。引竿駸駸開華輿。清壙瓷斗人醉齒。錦瑟倍弦魚出湫。鼙鼓間作亦赴節。好奇不用銅丸投。忽度清商翻楚調。潛氣內轉殊凡喉。飄然便起陵雲思。大人輕舉風前猱。曲終吹律中夷則。惜哉鼓簧如對牛。風生黃葛退舉酒。滿堂神動驚清秋。顧視壁間陷神識。東吳靈氣今存不。鄭生鄭生歌且休。銅馬徧地爭王侯。九韶如可化蠻越。羅聞何事陳戈矛。

白紵歌

羅縵常患塵。織成常患鱗。誰當如白紵。鶴毳不耐汗。貂裘不耐雨。誰當如白紵。
酬行嚴天津寄詩

十年誓墓不登朝。爲愛湖湘氣類饒。收歲漸知陳紀老。量才終覺陸雲超。長沙松菌無消息。
樊口鱖魚乍寂寥。料是瀟湘春色早。羈人樓上更惆悵。

避地以下十六年

聞道王江涇。

後釋名傳爲直
波曰徑之徑

晨朝已度兵。天黃傳語怒。赤伏見旗明。肉食嗟乖計。春農待輟

耕。生涯吾自拙。恐未飽羣生。

師子

吾聞師子似虎尾如斗。今徒被蜚之蒼狗。一鳴嚇獸人豈聞。搏象靈威邈何有。草中長眠志
已了。况以太牢餬汝口。偃牙齧斧荷如貌。鐵檻其能長繫守。惜哉門前雙石範。幻身尙足驚
人走。師子聞之怒銜骨。鰕生何爾嘗英物。世間形法多支離。牝牡驪黃那得知。蔡澤雄辯乃
弱鼻。尼父大聖如蒙俱。項王對人語姁姁。張良婦容無魁奇。以貌取人失子羽。按圖寧得華
山麒。君不見麒麟魯身虎似狸。豕形人立稱熊羆。朕也似狗何足疑。
得友人贈船山遺書二通

天開衡嶽竦南條。旁挺船山尙建標。鳳隱豈須依竹實。磨遊長自伴松寮。孫兒有劍言何反。王者遺香老未燒。一卷黃書如禹鼎。論功真過霍嫖姚。

宴坐起

八月樓居者。金風不感涼。黃連時作飲。朱印並晞陽。簡出衣常故。安禪酒漸忘。晚來新雨足。丘蚓欲窺堂。

龜壁

上海大世界園有物如龜。云自嶺海隨浪而下。爲舫人所得者。大若圓案。重二百六十斤。文似瑋瑁。然甚粗劣。鳴吼如鵝鴨聲。四足如鱗。縵胡無指。余與旭初鷹若同觀。識爲龜壁。因賦是詩。

萬里清江使。漁師未識顏。倒瀾輕自試。靈氣向人孱。無趾真遺士。長鳴尙護斑。儻能隨海若。莫爲朶頤還。

田家

拾芥荆籬下。荆上霜未晞。縣官今劭農。誰家趨朝歸。登然頓步履。躑躅從三妃。識君善樛蒲。今是大農非。朝者語田家。神化固難幾。終歲事耘耔。所收纔療饑。白圭道已歿。計然寧足希。

南海起上聖。貉桀相因依。授我青赤牖。被服緇闕衣。冉冉陌頭行。翕翕生光輝。大農耕都市。何必鋤葵菥。不見古重華。龍騰興側微。公孫封平津。豈復顧牧豕。爾曹但燕爵。黃鵠能高飛。感君神農教。謀富有樞機。願棄籬中辛。朝端羊方肥。

感事

珠江開氣開雲罽。掉尾渚宮東入鄴。鍾山積甲森嵯峨。素車白馬度滌和。垓下四面鷄鳴歌。天欲亡我非由他。毘去鱸來當奈何。

寄亦韓仲蓀

蹈海千行旅。磨堅一禿翁。兼葭隨露白。鴻雁入雲空。地坼成初郡。民勞不素風。試吟紫芝曲。應與夏黃同。

夜飲

秋半月如練。婦子陳肴具。晚愁時已甘。稻蟹亦在御。賓朋雜坐期一醉。觴酒亂行無次數。老夫暫前詣杯案。奉卮遂巡徐又住。諸友對我笑。學道何陵遽。將非事禁方。委形成藥樹。吾儕口腹固有量。雋永當前亦下箸。樽間通人或中聖。曲奏將軍尙回顧。豈爲求肥食糠覈。亦未尋仙吸風露。君不見洪山芸臺君山柑。大頭魚出嘉陵南。普洱之茶宜酒酣。漫遊興至恣豪

飲。百年豈論殤與恥。關梁圯隔珍物壅。黔黎茹蓼貪夫甘。本味不逢伊尹出。一麻能勿師瞿曇。

生日自述

蹉跎今六十。斯世孰爲徒。學佛無乾慧。儲書不愈愚。握中餘玉虎。樓上對香鑪。見說興亡事。拏舟望五湖。

十七年以後詩十六首

春日書懷

戊辰

僦居雖近市。奔關如深湫。書史有常度。井竈無停漚。肉食漸忘味。時復親乾餼。承泉治百合。壅蘭澄麻油。初日上露臺。暴我殺羊裘。客來固不速。晝眠亦無郵。人生貴適志。大行非詭求。夸父旣棄杖。東野方傾輶。文淵矜顧盼。終然困壺頭。借問茂陵兒。何如馬少游。

銅雀

戊辰

銅雀復銅雀。歲星俄已終。問君何棲止。委身荆棘中。赤眉軼海岱。長狄潛金墉。平臺一以望。永負分香翁。

季剛旭初行攝山得大小徐題名以墨本見示

戊辰

五姓蕩無紀。鬱然生二徐。非徒博墳籍。抗志明六書。韻誦雖懸邈。豪端見皇初。自從唐社遷。遺文鮮殘餘。繹山數傳刻。焚魂亦已枯。莽蒼大麓間。灌木成儲胥。豈無攀蘿客。蒿目徒睢盱。神物信有合。道通無方隅。律律四秦篆。千載起廢墟。菱杼雖微泐。筆迹猶盤紆。偉哉名教力。因子爲玄符。寶之篋笥中。奚翅隨侯珠。

長夏紀事

己巳

我本山谷士。失路趨堂廡。伐華旣十稔。重茲風日炎。荃葛甫在御。短製無垂檐。甯定正代莽。齋美如遺鹽。啖此勝百牢。披襟步長檐。藹藹出牆樹。淙淙箇中澗。市閭或問字。百名方一縑。漱筆藉頭棘。濃盡穎自銛。琬玉得越巾。破風逾蒼磴。故書適一啓。蠶食殊無緩。呼童下香藥。泔汗勤自沾。平生遠膏沐。兩鬢常凝鬋。朋來跳不襪。夷惠宜可兼。時復效禽戲。而不求青黏。但爲滌塵慮。焉識速與淹。大化苟我適。老漚終如緘。

附致季剛旭初書

夏日吟詠。往往少山水風景。則以避暑不出故也。僕則蟄居於此。四時不異。故亦不廢斯事。適作長夏紀事一首。皆附事實。故反多新語。因自來水無名可施。以釋水泉一見一否爲濺。即以名之。此詩略脫向日窠臼。雖然。不追步陶謝。恐與蘇黃作後塵矣。

題瞿太保及孫簡討像 庚午

我志在春秋。推鋒屬建州。春陵終紹漢。宣榭是新周。故國山重秀。先賢事再押。東臬遺像在。長恨未同舟。

身共皇明盡。須眉尙凜存。乘城雙擁騎。晉王季羣國拔桂林時人見公與別山擁騎從入城假孔有德自焚死事見永曆別山擁騎踰嶺此招魂。葛說難回面。陶潛自閉門。清芬遺世里。樓閣至今尊。

賓川百歲泉 庚午

君問神仙術。賓川有一泉。近邨多百歲。當暑似秋天。丹穴赫相望。赤符書正妍。待逢重九日。更訪傳延年。

人日 癸酉

塞上春風艸又新。天開胡騎蹕輕塵。南朝烟柳千何事。萬里車書付故人。

聞得賊譟 癸酉四月

金丸一夜起交民。射殺湘東舊領軍。借問長陵雙石馬。可知傳法有沙門。

聞人獻圖不遇 癸酉四月

上河圖自屬王家。采石菑田繼物華。卻恨鈴山蟬蛻久。明珠空令射寒鴉。

劉屈氂歌

中山有良子。名曰劉屈氂。雖藉皇孫貴。出身人不知。武皇置相少良死。公孫涕泣徒爲爾。聞道胡巫入漢家。長安掘盡何諠譁。節上黃旄君自加。看君明日載廚車。

詠史

癸酉五月

驚翎雙金鏤。倖得海濱侯。遠王後來天水何綢繆。楚囚相對聲啾啾。勉公飽食行靈州。寶珠未獲吾尙留。人生遇合有如此。兩國虜王何足訾。轉盼東昏金熙宗飲刃死。

川南領事移任昆明詩以送之

乙亥

海客今何往。西方有化人。寧爲桂家役。不作建夷民。柳暗蒼山霧。花明麗水春。金沙天險在。釣者莫垂綸。

宋母沈太夫人七十壽

乙亥

淑氣延初夏。平原重女宗。藜蒿猶第道。竹柏此增封。反哺終辭鮓。勤生爲解春。夫人城自固。胡騎敢撓鋒。

詠紅豆

丙子

南風難競北風涼。日日行旌望五羊。長是相思隔阡陌。爲君遙寄紫羅裳。曠代經神屬惠家。風流猶寄一株霞。橫塘春色凋零盡。漫問曹侯宅裏花。

太炎文錄續編四冊 實價二元

版權所有

編校者 章氏國學講習會

蘇州錦帆路

禁止翻印

印刷者 武漢印書館

漢口府北一路

電話二二九五

寄售處 武昌鼓架坡六號劉宅

